

pliatur tertio, ut etiam per Papam dispensatus ad habenda simul duo beneficia, nequam censeatur dispensatus, ut duo uniformia, v. g. duos canoniciatus, obtineat in eadem ecclesia nisi istud expressum fuerit. Abbas c. *De multa.* n. 4. h. t.; Azorius eit. cap. II. quæst. 1; Pirhing, h. t., n. 131; Barbosa, part. II. *de Offic. et potest. episc.* allegat. 62, n. 15 et 16; Flamin. Parisius, d. lib. III. cap. I. n. 125, allegans Petrum de Acharrano c. *Permitimus. de Æstate et qualitat.*, cardinalem consil. 53. et alios, cum communi. Siquidem jura magis abhorrent, ut in eadem ecclesia, et sic sub eodem tecto, quis obtineat duo beneficia uniformia, v. g. duas præbendas, quam in ecclesiis diversis; uti patet ex juribus n. 240. allegatis, ac notat Glossa fin. in Clem. ult. h. t. Abbas c. *Litteras.* n. 2. et Fagnanus, ibid. n. 6. et 7. *de Concession. præbend.*; Garcias, d. cap. V. n. 190. citans Rotam in Toletana capellaniæ de Baraias. 15 februar. 1591. coram dom. Pamphilio; Flamin. Parisius cit. lib. III. quæst. 1. n. 121; Barbosa, Azorius, ubi supra, et alii.

## §

## DE DISPENSATIONE, ET CONSuetudine CIRCA PLURALITATEM BENEFICIORUM.

245. *Papam posse dispensare super pluralitate beneficiorum, cum id ratio postulaverit, certum est.* — Quæritur I. Utrum Papa, qui busque ex causis, possit dispensare in pluralitate beneficiorum? Resp. I. Certum est, quod ex causa rationabili, et legitima possit Papa dispensare super pluralitate beneficiorum simul retinendorum, etiamsi ea cetero-quin forent incompatibilia. Textus est in c. *De multa.* 28. § fin. h. t. ubi dicitur: « Circa sublimes tamen et litteratas personas, quæ majoribus sunt beneficiis honorandæ, cum ratio postulaverit, per Sedem apostolicam poterit dispensari. » Accedit ratio: quia Papa in beneficiis plenissimam habet potestatem, plenariaque dispositionem, cap. II. *de Præbend.* in 5. et Clem. *Si duobus.* 1. § fin. *Ut lice pendente*, etc. eo quod beneficia de jure positivo ecclesiastico sint introducta, et singulæ Ecclesiæ singulis presbyteris divisæ, can. *Ecclesiæ.* 13. q. 1. Unde, quia Papa secundum plenitudinem potestatis, de jure potest supra jus dispensare, c. *Proposuit.* 4. *de Concession. præbend.* dubium non

est, quin circa pluralitatem beneficiorum cum ratio postulaverit, dispensare valeat.

246. *Quando Papa dispensat Motu proprio, præsumitur subesse justam causam dispensandi: alias secus.* — Additur notanter, « cum ratio postulaverit. » Licet enim in illis, quæ sunt juris positivi humani, Papa possit valide dispensare, etiam sine causa: quia tamen dispensatio facta sine causa, non meretur dici dispensatio, sed potius dissipatio, ut inquit sanctus Bernardus lib. III. *de Considerat.* paulo ante fin. Hinc quando Papa dispensat, motu proprio, semper præsumitur, quod sub sit justa causa dispensandi, atque ex legitima causa dispensaverit Pontifex, can. si Papa, dist. 40; ac notat Abbas c. *In causis.* n. 2. *de Sentent. et re judicat.* Felinus c. *Ad aures* n. 7. *de Rescript.*, Pascius part. II. *Praxis episcopal.* cap. V. art. 3. n. 79. et alii. Secus dicendum, quando Papa dispensaret ad instantiam partis: quia tunc subintelligeretur conditio illa: « Si preces veritatem nitan tur, » juxta textum expressum c. *Ex parte.* 2. *de Rescript.* ac prouide non subeisteret dispensatio pontificia, veluti sub aut obreptitie obtenta, c. *Sedes.* 15. et c. *Super litteris.* 20. *de Rescript.* cum concordantius. His addæ dicta superius § præced. n. 218. 219. et 220.

247 et 248. *Cause legitimæ dispensandi in pluralitate beneficiorum, sunt tres. Et quæ?* — Resp. II. Causa legitima dispensandi in pluralitate beneficiorum communiter triplex assignari solet; videlicet, necessitas Ecclesiæ, utilitas Ecclesiæ, ac evidens prærogativa meritorum. Ita Abbas in c. *De multa.* n. 7, h. t. et c. *Extirpandæ.* in *Repetit.* § *Qui vero.* n. 34. eod.; Azorius, part. II. lib. VI. cap. XII. n. 6; Layman, lib. IV. *Theol. morol.* tract. II. cap. VIII. n. 2. et alii. Idemque desumitur ex can. *Tali conjugio.* 1. q. 7. ubi in simili habetur, quosdam ecclesiasticis ordinibus non esse applicandos, « nisi forte eos aut maxima Ecclesiæ utilitas, vel necessitas postulet, vel evidens meritorum prærogativa commen det. »

Et quidem « Ecclesiæ necessitas » quandoque postulat, ut uni plura beneficia con ferantur, si est penuria sacerdotum, aut aliorum idoneorum ministrorum Ecclesiæ; puta, in locis hæresi infectis. Utilitas vero, quando clericus sua prudentia, auctoritate seu potentia, plus communi reipublicæ christianæ bono, atque ecclesiarum commodis profutus videtur, quam plures alii. Tandem « evi dens meritorum prærogativa • Beneficiatum,

## IX. DE DISPENSATIONE, ET CONSuetudine CIRCA, ETC.

511

ut pote doctrina, consiliis, scripturis, aut hujusmodi, de Ecclesia valde meritum, promovere potest ad plurium beneficiorum emolumenta tum spiritualia, tum temporalia dispensativa recipienda, juxta illud Apostoli I ad Timoth. v. 17. *Qui bene præsunt presbyteri, duplice honore digni habeantur* (id est, munera largitione, ut interpretatur S. Hieronymus cap. xv. Matth.) *maxime, qui labo riant in verbo, et doctrina.* Unde et c. *De multa.* 28. § fin. h. t. dicitur, « quod sublimes et litteratae personæ majoribus sunt beneficiis honorandæ, » etc.

249. *Justa causa dispensandi in pluralitate beneficiorum ultra necessarium sustentationem, non est, propositum erogandi superfluos redditus in pias causas.* — Resp. III Nihilominus justa causa dispensandi in pluralitate beneficiorum, ac præsertim hæc simul retinendi ultra necessarium vitæ sustentationem, non est, quod clericus propositum habeat redditus superfluos in pias causas erogandi. Ita Azorius, part. II. lib. VI. cap. XII. quæst. 3. et Layman, lib. IV. tract. II. cap. VII. n. 2. vers. *Illud.* vero, allegans communem, contra cardinalem in Clem. *Gratiæ de Rescript.* et Navarrum cap. XXV. *Manual.* n. 128. Ratio est, quia, ut justa subsit causa dispensandi atque retinendi pluralitate beneficiorum, præsertim ultra necessarium vitæ sustentationem, etiam requiritur, ut aliæ deformitates tollantur, vel saltem æquali utilitate publica cohonestentur; videlicet, subtractio alimentationis respectu aliorum clericorum, Ecclesiæ damnum ob absentiam beneficiarii, cultusque divini diminutio, ac hujusmodi; et notat Layman, loc. cit. Tales autem deformitates non tolluntur, neque cohonestantur per solum propositum dandi superflua in pias causas, nisi subsit alia gravior causa, præsertim publica. Et hinc sanctus Carolus Borromæus ab Ecclesia universalis pie laudatur, quod ecclesiasticos proventus, quibus a Pio IV. avunculo suo copiose fuerat cumulatus, sponte dimiserit: nonnullis retentis, quibus ad proprios usus, et egenorum necessitate utebatur; uti habetur in lectionibus *Breviarii Romani*, die Festo ipsius, seu quarto novembri.

250. *Rescripta, atque dispensationes super beneficiis ecclesiasticis obtinendis, stricte interpretari debent. Dispensatio est vulnus juris.* — Quæritur II. Quomodo intelligi debeat dispensatio facta super beneficiis, ac præsertim super pluralitate ipsorum? Resp. I. Res-

cripta, seu litteræ Apostolicæ, atque dispensationes super beneficiis ecclesiasticis obtinendis, stricte interpretari debent: nec extendi ultra proprietatem verborum. Ita communis, tum quia generaliter loquendo, istud procedit de cæteris rescriptis ad beneficia, per textum expressum in c. *Quamvis plenissima.* 4. *de Præbend.* in 6. ibi: « Quamvis plenissima sit alias in beneficiis interpretatio facienda; litteræ tamen super obtinendis beneficiis impetratae debent, cum sint ambitiosæ, restringi: » estque ex professo dictum supra lib. I. tit. III. *de Rescriptis.* § 5. n. 126. 128. et 129; tum quia dispensatio, est vulnus juris: siquidem per eam Jus commune vulneratur, can. *Ipsa pietas.* 23. q. 4. Barbosa part. II. *de Offic. et potest. episc.* allegat 33. num. 7. et alii. Cum igitur omnis recessus a jure censeatur odiosus, et nequam trahendus ad consequiam, juxta reg. 28. jur. in 6. etiam dispensationes, v. g. super beneficiis, eorumque pluralitate, sunt odiosæ, ac stricte interpretandæ; ut cap. I. § fin. *de Filii presbyter.* in 6. Ubi loquendo de dispensatione facta cum illegitimo ad obtinendum beneficium, dicitur: « Quam exorbitantem a jure oportet, veluti odiosam, restringi, » cum similibus. Proinde

251. *Dispensatus super defectu, ut possit ad beneficium promoveri, non potest nisi unicum beneficium, vi talis dispensationis, obtinere.* Adeo, ut nec successive possit duo consequi. — Resp. II. Si cum aliquo dispensatum fuerit, quod non obstante defectu aliquo, v. g. natalium, possit ad beneficium, etiamsi curam habeat animarum, promoveri; non potest is prætextu talis dispensationis, nisi unicum beneficium obtinere. Textus est expressus in cit. cap. I. § fin. *de Filii presbyter.* in 6. addita ratione proxime relata; quia nimis talis dispensatio est a jure exorbitans, sive debet veluti odiosa restringi: ac proinde virtute ipsius, non potest quis duo beneficia in simul obtinere, prout loquitur Summarium ibid. Quinimo, ut notat Ancharenus ibid. n. 3. vers. *Quero dicitur*, post Archidiac onum; Barbosa, part. II. *de Offic. et potest. episc.* allegat. 45. n. 36. post Cardos. in *Praxi Judicium.* §. *Dispensatio.* n. 19; Pirhing tit. *de Filii presbyt.* n. 24. dispensatus a Papa, ut possit habere unum beneficium curatum, non poterit vi talis dispensationis etiam successive obtinere duo: adeo, ut si unum fuerit consecutus, non possit eo di missio obtinere secundum. Siquidem per

adoptionem primi beneficii curati dispensatio jam est sortita suum effectum; ac proinde, veluti odiosa, non debet extendi ad aliud beneficium, arg. c. *Non potest*. 21. h. t. in 6. mox allegando: quamvis Joan. Andreas hic n. 4. asserat, istud durum varde videri; ac proinde teneat oppositionem:

252. *Dispensatio, ut possit quis duo beneficia curata recipere, ac simul retinere, intelligitur solum de primis duobus beneficiis postea ei collatis.* — Deinde dispensatio apostolica cuiam facta, ut possit duo beneficia curata recipere, ac simul licite retinere: intelligitur solum de primis duobus beneficiis quae post dictum Indultum apostolicum ipsi collata fuerunt. Textus est in c. *Non potest*. 21. § *Illiud autem*. h. t. in 6. Cujus rationem affert Vivianus in *Rationali*, ibid. Quia, quamprimum taliter dispensatus recepit duo prima beneficia, adimpta est gratia dispensationis, arg. 1. *Boves*. § *Hoc sermone. ff. de Verb. signif.* atque ideo, cum dispensatio illa, veluti odiosa restringi debeat, non potest extendi ad alia, seu tertia vel quarta vice vacatura beneficia.

253. *Et si talis postea obtineat aliam dispensationem, ut plura beneficia simul obtinere possit, tacito illo defectu, non valet dispensatio.* Dispensatio addita dispensationi non valet, nisi in secunda fiat mentio de prima. — Ulterius, si quis post obtentam a Sede apostolica dispensationem super defectu, v. g. natalium, et beneficium exinde impetratum, tacito defectu ejusmodi obtineat aliam a Sede præfata dispensationem, ut duo vel plura beneficia simul obtinere possit, non valet dispensatio; sed veluti per subreptionem obtenta, nullius penitus est momenti. Ita textus, *Glossa*, et doctores in cap. *de Filiis presbyter*. in 6. Accedit ratio, quia non est verisimile, quod Papa dispensasset in pluralitate beneficiorum cum eo, qui patitur tam defectum, v. g. natalium, si hoc ei fuisset expressum; prout loquitur Pontifex ibid. Unde notat Vivianus in *Rationali*, ad cit. c. *Si is*. 2. *de Filiis presbyter*. in 6. post Decimum in l. *Liberos*. c. *de Collationib.* quod dispensatio addita dispensationi non valet, nisi in dispensatione secunda fiat mentio de prima.

254. *Provisus de beneficio sub clausula non obstante, quod aliud beneficium obtinere noscaris, non potest primum beneficium retinere cum secundo.* — Resp. III. Si cuiam per Papam provideatur de beneficio, addita clausula,

« Non obstante, quod aliud beneficium obtinere noscaris. » per hoc non censemur cum ipso dispensatum, ut primum beneficium cum secundo retinere valeat; sed id solummodo clausula illa operatur, quod facta ei *ad modum nequeat subreptitia iudicari*. Ita rursum textus expressus in cit. c. *Non potest*. 21. h. t. in 6. Et ratio est: quia dispensationes, veluti odiosæ, atque exorbitantes, a jure communi, stricte sunt intelligendæ, atque restringendæ, ut dictum: unde cum præfata clausula modo prædicto jam suum consequatur effectum, id sufficit. Neque enim de primo beneficio simul retinendo (contra claram juris dispositionem) Papa cogitasse videatur; cum in ipsa dispensatione id non expressit. Vivianus in *Rationali*, ibid.

255. *Secus, si istud exprimatur.* — Secus foret dicendum, si Pontifex in litteris dispensationis dixisset: « Liceat tibi beneficium istud cum priori retinere. » Tunc enim verba forent clara, siveque juxta ea oporteret judicare; ut c. *Porro*. 7. *de Privileg. et l. Licet Imperator. ff. de Legat.* I. et alibi. Nam verba clara non admittunt interpretationem, neque voluntatis conjecturam. Abbas consil. 97. lib. I. *Barbosa, Axiome*. 222. n. 32. et communis; estque amplius dictum supra lib. I. tit. II. *De Constitutionibus*. § 16. n. 384 et 385.

256. *Dispensatus super pluralitate beneficiorum, censemur etiam dispensatus super residentia, et aliis connexis, ac necessario consecutivis.* — Ampliatur istud, ut dispensatus super pluralitate beneficiorum simul retinendorum, censemur etiam dispensatus super accessoriis, connexis, et necessario consecutivis ex tali dispensatione; puta, super residentia, et hujusmodi. *Glossa can. Si quis in Clero*. 7. q. 1. ¶ *Solenibus*: et alia *Glossa c. Quia in tantum*. ¶ *Plures*, et ibi *Abbas*, n. 3. *Fagnanus*, n. 2. *de Præbend.*; *Pirhing*, h. t. n. 198. et alii; estque pariter dictum supra lib. I. tit. II. *De Constitutionibus*. § 18. n. 431.

257. *Taciturnitas beneficij præhabiti, quantumcunque modici, vitat dispensationem super pluralitate beneficiorum.* Imo et cætera rescripta ad beneficia. — Resp. IV. Taciturnitas beneficij præhabiti, quantumvis modici, vitiat dispensationem super pluralitate beneficiorum simul retinendorum. Textus est in c. *Non potest*. 21. § 1. h. t. in 6. *Ubi Glossa* ¶ *Modicum*, hujus rationem reddit: quia si in impetracione Beneficii, sive in rescriptis ad beneficia, istud habet locum, ut tacitur-

### § IX. DE DISPENSATIONE, ET CONSuetudine circa, etc.

513

nitas beneficij præhabiti, quantumcumque modici, vitiet rescriptum impetratum ad novum beneficium, nisi fuerit concessum motu proprio, c. *Si proponente*. 42. *de Rescript.* et c. *Si motu*. 23. h. t. in 6. estque jam dictum supra lib. I. tit. III. *De Rescript.* § 7. n. 167. et 170. ac seqq. Multo fortius illud in dispensatione ad plura beneficia locum habere debet; cum etiam tales dispensationes sint ambitiosæ, ac restringendæ, c. *Quamvis plenissima*. 4. h. t. in 6. juncto cap. II. *de Filiis presbyt.* in 6. cum similibus.

258. *Utrum episcopus possit dispensare in pluralitate beneficiorum?* Olim is poterat dispensare in duobus ecclesiis curatis simul retinendis; non item in duobus canonicatibus. — Quæritur III. Utrum episcopus possit dispensare in pluralitate beneficiorum? Resp. I. Spectato jure antiquo poterat episcopus dispensare in duabus ecclesiis curatis simul retinendis, non item in duobus Canonicatibus. Textus est in can. *Sanctorum*, dist. 70. ubi in concilio Urbani II. sic statutum legitur: « Omnino autem in duabus ecclesiis aliquem titulari non liceat; sed unusquisque, in qua titulatus est, in ea tantum canonicus habeatur. Licet enim episcopi dispositione, unus diversis præesse possit ecclesiis; canonicus tamen præbendarius, nisi unius ecclesiae, in qua conscriptus est, esse non debet. » Hæc ibi.

259. *Et quæ ratio disparitatis?* — Nec dicas, esse mirabile, quod concedatur episcopis facultas dispensandi in duabus ecclesiis, seu parochiis simul retinendis, et non in duabus præbendis; cum tamen ha non habeant annexam curam animarum, sicut ecclesiæ parochiales. Itesp. enim cum Abbatे in c. *Cum jam dudum*. n. 9. h. t. istud non esse mirandum: quia dispensatio quoad diversas ecclesiias fieret propter publicam utilitatem, ut nempe populus per idoneos; magisque qualificatos pastores regeretur; quando ita episcopis videatur expediens, vel ob defectum ministrorum omnino necessarium foret. At vero dispensatio quoad diversas præbendas, fieret dumtaxat propter privatam utilitatem: nam præbenda datur canonico, ut inde vivat; ecclesia vero principaliter datur, ut quis populum regat.

260. *De facto nequit episcopus dispensare circa plura beneficia curata, vel dignitates, aut personalius.* — Resp. II. De facto nequit episcopus dispensare circa plura beneficia curam animarum habentia; neque etiam circa

plures dignitates, aut personatus ab eodem obtinendos, etiamsi curam non habeant animarum. Ita desumitur ex c. *De multa*. 28. juncta *Glossa fin.* et *Barbosa* in *Collectan.* ibid. n. 22. h. t.; *Abbas* in c. *Extirpandæ* in *Repetit.* § *Qui vero*. n. 38. eod.; *Azorius part. II. lib. VI. cap. XII. quæst. 6*; *Garcias part. XI. de Beneficiis. cap. V. n. 337*, allegans plurimos alios, decis. 4. *de Offic. legat. in novis*, alias 286; *Alfons. Hoieda Tractatum*, tom. XV. tract. de *Incompatibilit. Beneficior.* part. II. cap. XIII. n. 17; *Pirhing*, h. t. n. 185. contra nonnullos alios, ab eodem *Hoieda* n. 16. et *Garcia* n. 338. in oppositum citatos.

261. *Idque probatur.* — Ratio Conclusionis est: Quia, licet antiquitus potuerint episcopi dispensare quoad pluralitatem ecclesiæ, seu beneficiorum curatorum, cit. can. *Sanctorum*, dist. 70. nihilominus hæc potestas episcopis adempta tuit in concilio generali, relato in d. c. *De multa*. 28. § *fin.* h. t. illis verbis: « Cum ratio postulaverit, per Sedem apostolicam poterit dispensari. » Nam, ut argumentatur *Glossa fin.* et *Barbosa* idid. n. 22. ex eo, quod dicit, « Per Sedem Apostolicam, » patet a contrario sensu, quod per alios Papa inferiores in talibus non possit dispensari: quia, quod de uno conceditur, de altero negatur, l. *Maritus*, citra juncta *Glossa fin.* c. *de Procuratorib.*; *Barbosa Axioma*. 196. n. 20. Sicut e contra, quod de uno negatur, de altero concessum intelligitur, can. *Qualis*, dist. 25. et c. *Nonne. de Presumption.* cum. *concordantiis*.

262. *Cur episcopis fuerit adempta potestas dispensandi in pluralitate beneficiorum curatorum?* Privilegium meretur amittere, qui permitta sibi abutitur potestate. — Unde non obstat cit. can. *Sanctorum*, dist. 70. Nam, ut notat *Glossa fin.* in d. c. *De multa*, et *Abbas* cit. *Repetit.* § *Qui vero*. n. 40. propter indiscretas, et stultas episcoporum dispensationes, virtute illius canonis olim factas, potestas in posterum taliter dispensandi merito episcopis subtracta fuit: « Siquidem privilegium omnino meretur amittere, qui permitta sibi abutitur potestate, juxta textum expressum can. *Privilegium*. 11. q. 3. et can. *Ubi ista*, dist. 74. et c. *Ut privilegia. de Privileg.* cum similibus.

263. *Episcopus nequit dispensare contra jus commune, nisi in casibus sibi a jure concessis.* — Confirmatur data conclusio ex c. *Ordinarii locorum*. 3. § *Si vero. de Offic. ordinari.* in 6.